

TEZAUUR LITURGIC
7 SEPTEMBRIE

ACATISTUL
SF. CUVIOS-MUCENIC
MACARIE
DE LA KANEV
II



MOSCOVA, 2000



Акафист
святому преподобномученику
Макарию, архимандриту
Каневскому

Кондак 1

Избранный от Бога, яко истинный воин Христов, преподобномучениче Макарие, измлада презрел еси всю славу тленнаго мира и сугубо подвизался еси иноческим житием и за веру Православную борением; темже и Христос сподоби тя скончати житие в муках от нечестивых агарян со упованием светлаго безсмертия. Ты же ныне на Небеси молишися о всех с верою прибегающих к тебе, и источаеши нам от Господа многия милости и чудесныя дарования; сего ради благодарственная тебе вопием: Радуйся, преподобномучениче Макарие, Переяславский чудотворче.

Икос 1

Ангелов Творец, вся будущая предведый, избра ты изначала, яко да прославиши

житием Твоим пречудное имя Святыя Троицы: ты бо, блаженне, издетска во благочестии воспитан был еси, и еще сущь отрок, уклонялся еси от сверстник свеселитися им, но паче прилежал еже посещати храм Божий и преспевати во учении познанием Православныя веры и пути праведнаго. Мы же, дивящеся сему, похвальная восписуем ти: Радуйся, от лона матерня любовию Божию уязвленный в сердце твое. Радуйся, измлада побеждавый соблазны мира молитвою и воздержанием. Радуйся, от юности возлюбивый всею душею приближаться к Богу. Радуйся, родителей благих добрый плоде и избранный. Радуйся, прекрасный плоде древа райскаго, возвращенный Духом Святым. Радуйся, древо Сада Божия, насажденное Отцем Небесным. Радуйся, древо, при исходищах вод учения Христова насажденное, еже дает плод во время свое. Радуйся, от юности избранный и запечатленный Христом, с Нимже ныне царствуеши во веки. Радуйся, преподобномучениче Макарие, Переяславский чудотворче.

Кондак 2

Видяще любовь твою к молитве и попечение, како угодити Богу, отец, мати и ближния твоя не прещаху, паче же споспешествоваху тебе возрастати в разуме Божии, аки бы предвидя, яко в нашедшую годину скорби великия от гонителей веры Православныя, явлен будеши смотрением Божиим подвижник благочестия и поборник веры, да вси вернии воспоют Богу: Аллилуиа.

Икос 2

Разум благ дарова тебе Премудрость Божия - Христос: в скорби велицей Православных слышан бысть тебе их плач и рыдание, и вопль мног; мнози убелиша ризы своя, яко пролияша за веру кровь свою; друзии же прельщени и отпадшии, восприяша благая в животе своем; но ты, блаженне, от юности возжелел еси, яко древле Моисей, паче страдати с людьми Божиими, нежели имети временную греха сладость. Сего ради умиленно зовем ти: Радуйся, ум суетою не омрачен, но озарен Христом, соблюдый. Радуйся, уха твоего не отвративый от вопля и рыдания страждущих. Радуйся, отверзый сердце твое

спострадати скорби и болезни угнетаемых. Радуйся, от юности угодовавший душу твою в искушение. Радуйся, адаманте, прелестями и умышленьми сатанинскими не уязвленный. Радуйся, неизменно послушливое Церкви чадо. Радуйся, от юности водрузивый в сердце твоём крест скорби и терпения. Радуйся, избравый узкия врата и тесный путь в Царство любви Христовы. Радуйся, преподобномучениче Макарие, Переяславский чудотворче.

Кондак 3

Силою свыше соблюдаем и просвещаем, пламенне возжелел еси по кончине отца и матери, еще юн сый, всего себе вдати Господеви и во имя Его подвизатися иноческим подвигом; сего ради притекл еси в Овручскую обитель, да сподоблен будеши zde прияти иноческий чин; егоже улучив, воспел еси Богу: Аллилуиа.

Икос 3

Имея попечение подвизатися неленостно, и возлюбив поучатися в словесех Божественных и в писаниях Святаго Златоуста, прилежно внимал еси глаголемым от него: монастырь есть дом

плача, идеже вретиче и сокрушение, идеже
уединение, смех ни един, ниже житейских
вещей молва, идеже пост, молитва, труд и
послушание. Пребывая вседушно во всех
сих, не по мнозе времени сподобился еси
благодати священства и власти, послежде
вскоре и власти наставляти иноков во
обителях, яко игумен благоговейн, исполнен
веры и мудрости.. Мы же, ублажая тя,
глаголем: Радуйся, иноческим обетом
предавый Господеви от юности чистое
сердце твое. Радуйся, умертвивый похоти и
страсти плотския пощением, бдением и
молитвою Радуйся, чистое зеркало
смирение, кротости и послушания. Радуйся,
молитвы благоуханное и неугасимое кадило.
Радуйся, иноков похвало и пречудное
украшение. Радуйся, ниво добрая, богато
творящая плод Божественнаго семене.
Радуйся, Богомыслием и Богомудрием
достойный собеседниче Ангелов. Радуйся,
сохранивый Купятицкую чудотворную
икону Пречистыя Богородицы от врагов
веры Православныя. Радуйся,
преподобномучениче Макарие,
Переяславский чудотворче.

Кондак 4

Бурю имея внутрь помышлений сумнительных, егда братия Овручския обители моляху тя прияти жезл отчий. Укротил еси смиренне волны и ветры страхом Божиим и любовию; братия бо глаголаху ти, изначала отрекшуся, яко възыщется от тебе вся согрешения их, аще не восхощеши правити обитель в нашедшую годину великих искушений и скорбей. Тогда убояся суда Божия, и болезнуя скорбию братии, изволи прияти власть, да вкупе с тобою воспевают Богу: Аллилуиа.

Икос 4

Слышавше и видевше житие твое мнози иноки желанием желаху, яко да будеши наставник монахов; ты бо кротце учаше словом и делом, сам искушен быв, увещаваше и братию зло побеждати упованием на Господа, наипаче же назидати себе святыми псалмы, яко и сам сице любяше тожде мудрствовати. Управи молитвами твоими и нас, вопиющих тебе: Радуйся, мудр и желанен наставниче монахов. Радуйся, добрый и кроткий пастырю словеснаго стада Христова. Радуйся, велий наречен в Царствии

Небеснем, яко сотворивый и научивый
мнозех от малых сих. Радуйся, многожды
утесняемый зело, но никождаже
отчаяваемый. Радуйся, осиянный
немерцающим светом упования, жив во
Христе Иисусе был еси. Радуйся, усладивый
душу твою Божественными псалмы
Псалмопевца Давида. Радуйся,
исполненный благодати Божия, сосуд
честен в велицем Дому Божии пребывавши.
Радуйся, яко духом горящий, в трудах
Господних усердный делатель явился еси.
Радуйся, преподобномучениче Макарие,
Переяславский чудотворче.

Кондак 5

Боготечней звезде уподобился еси,
блаженне, показуя людем ведущий ко
Господу путь твердыя веры: егда агаряне
нападоша на град Овруч, ты явился еси
велия веры исправление: отверзтым вратом
обители изшел еси со святыми иконами,
воздев руце к небу, и теплою молитвою и
воплем крепким вкупе с братиею возопи ко
Господу. Агаряне возомнеша, яко ополчися
на них полк зело мног, и внезапно бежаша во
ужасе от обители и града. Чудесно же

спасеннии благодарственно воспеша Богу:
Аллилуиа.

Икос 5

Видевше, яко хранитель еси веры
Православныя, честен всем верным, врази
ея зле совещаща уловити тя и совратити в
прение о вере, но никакоже возмогоша
победити тя в прении, отъидоша
постыждени, дыша злобою, всяко стужаху
обители, яко да разорят и истребят ю.
Вскоре агаряне, паки нашедше, предаша
град и обитель граблению и разорению
вконец: от братии ни един оста, ты же,
уничижен до зела и поруган, но не
поколеблен, отшел еси в Киево-Печерскую
Лавру смиренно подвизатися во иночестве.
Почитающе толикия скорби твоя и
поношения от врагов, мы зовем ти: Радуйся,
непреоборимый поборниче веры
Православныя. Радуйся, непоколебимый
столпе Церкви Христовы. Радуйся,
препоясавый чресла твоя истиною. Радуйся,
щите веры, вся разжженныя стрелы
лукаваго угашаяй. Радуйся, молние,
облистающая и разгоняющая врагов Церкви
Христовой. Радуйся, мечу духовный,
глаголом Божиим рассекаяй лжу и

сплетения неправды. Радуйся, десницею Господнею путеводай умы и сердца верных. Радуйся, священная главо, венчанная нетленным венцем поношений и скорбей за веру. Радуйся, преподобномучениче Макарие, Переяславский чудотворче.

Кондак 6

Проповедницы быша твоего непоколебимаго стояния в вере мнози иноцы, миряне и святителие, от нихже архиепископ Лазарь о тебе мудре написа: Яко еси роза среди шипов; сие бо растет она, красуется и благоухает, тако и врази окрест тебе лукавыми кознями не возмогоша в тебе от Бога угасити красоту святости, ниже подавити благоухание Благодати Божией в тебе. Мы же, величая тя, яко преизящный крин Христов, поем дивному во святых Своих Богови: Аллилуиа.

Икос 6

Возсиявый Небесным светом святаго жития и борения за веру, ты паки яко светильник на свещнице поставлен был еси промышленiem Божиим начальником обители во граде Каневе. Ту вскоре начала приходите к тебе ближняя и дальняя, яко да

примет кийждо по своей потребе духовное дарование от изобильной в тебе благодати Божией. Ты же был всем яко отец чадом, вопиющим ти: Радуйся, скорбящих и плачущих приятное утешение Радуйся, благий и спостраждущий друже угнетаемым и досаждаемым. Радуйся, благословенное пристанище изнемогающим. Радуйся, отче щедрый сирым и убогим. Радуйся, ненадеянных надеяние светлое. Радуйся, многоценное миро любви Христовы, источаемое всем независтное. Радуйся, искусный делателю винограда, егоже насади десница Господня. Радуйся, граде Божий, на верху горы стоящий. Радуйся, преподобномучениче Макарие, Переяславский чудотворче.

Кондак 7

Хотя всех путеводити во спасение, учил еси в годину скорби внимати глаголемым от святаго Златоуста словесем, яко скорбь везде похваляема и приемлема, аки нужная нам по словеси Божию: многими бо скорбьми подобает внити в Царствие Небесное. Обаче ревнуя ревностию Божиею, моляше князей и сильных земли о

покровении Православныя Церкви, да вси чада ея воспевают Богу: Аллилуиа.

Икос 7

Новую показа милость рабом Своим Господь, благоволив изляти на тя избыточествующую благодать Свою: се бо сын благочестивыя матере живяше легкомыслием неблагочестно; ты же, преподобне, внимая слезам матере, многочасне и многообразне увещаваше его обратитися ко Господу, но вся быша вотще. Послежде же той рече, яко не хочет многи и велики молитвы творити, ты же кротце советовал, яко да четет токмо молитву Господню, глаголемую: Отче наш. Умилився нерадивый, послуша словесе твоего, и возродися душа его. Мы же дивящеся сему, зовем ти: Радуйся, падающих возставляяй любовию, яже долготерпит и николиже отпадает. Радуйся, заблудших исправление любовию, яже не раздражается и не ищет своя си. Радуйся, душ врачу бодрствующий и благодатный. Радуйся, прозорливче Божий, проницай сокровенная человеческого сердца. Радуйся, многих ко спасению наставил еси. Радуйся, рассмотриая скорби яко наслаждение на

пути в Царствие Небесное. Радуйся, душ наших радование. Радуйся, яко тобою сладостей духовных исполняемся. Радуйся, преподобномучениче Макарие, Переяславский чудотворче.

Кондак 8

Странное и славное силы Божией явление видеша в тебе вси вернии: твоими бо молитвами сподобляхуся от Господа чудесных милостей: слепому даровал еси прозрение, исцеляше бесныя, болящия со одра немощи возставляше, и прочия недуги душевныя и телесныя исцеляше, да вси вернии воспевают о тебе Богови: Аллилуиа.

Икос 8

Весь бе помышлением твоим в горних, не оставль и дольних, множайше уча люди пути спасения, грешныя обличая, да покаются. Бе бо во граде судия беззаконный и мздоимец. Не «тому терпя поправление правды, восхотел еси исправить грешника, сего ради часто в субботы посылаше ему неяве, но яко втай, пенязи, прилагая при сем краткое писание: отдаю последняя, пощади мене и себе. Несытое сердце умягчися напоследок: судия раскаяся и

нача жити благочестно. Сподоби молитвами твоими обратиться к покаянию и нам, глаголющим тебе: Радуйся, сокровище различных дарований Животворящаго Духа Божия. Радуйся, тепле приявый сердцем твоим непрестанное о людех помышление. Радуйся, святое очистилице нравов. Радуйся, неотступный согрешающих обличителю духом кротости и милосердия. Радуйся, купец Христов, ищущий добрых бисеров покаяния и веры в сердцах человеческих. Радуйся, яко тобою бывает многа радость на Небеси о кающихся. Радуйся, добрый рабе - Христов, в малом бывый верен и над многими поставленный. Радуйся, розго истинныя Лозы - Христа, множайший плод духовный приносящая. Радуйся, преподобномучениче Макарие, Переяславский чудотворче.

Кондак 9

Все естество Ангельское срадуется и свеселится Христу зря тя, приявша от Него таланты в делание, и принесша сугубы таланты. Ты бо, милосерде, стяжания твоя раздаяше убогим и неимущим, от нетленного же богатства духа твоего миловаше вся шедшия к тебе; и

дарованиями благодати Божией в себе восходя от силы в силу, воспевая Богу: Аллилуиа.

Икос 9

Ветии многовещаннии недоумеют по достонию славити тя, блаженне, мы же токмо верою и любовью дерзаем приносить смиренная славословия тебе и прославльшему тя Господу, от Негоже сподобился еси и чудеснаго дара прозрения будущих: тако предвидел еси прежде многаго времени зельное разорения града Канева и обители, беды многия и смерть многих Православных, вкупе же и твою с ними, паче же прежде страдания предрекши вся сия; увещаваше братию и мирян уготовити души своя ко страданиям, но никакоже отпадати веры даже до смерти. Прославляя твое о Господе мужество и святое ревнование по Бозе, зовем ти: Радуйся, сподобивыйся от Господа во спасение верным провидети и прореци им беды и страсти. Радуйся, мужественно не убоявыйся ждущих тя зол. Радуйся, псаломски вопиявый от сих Господу: не убоюся зла, яко Ты со мною еси. Радуйся, воодушевивый и чад твоих о Христе темже

правилом жительствовати. Радуйся, уподобивыйся апостолу Павлу, яко живый но и присно в смерть предайся Иисуса ради. Радуйся, яко учил еси впадающих во искушения не искати благ видимых, но невидимых, вечных. Радуйся, многих верных соблюды на день совоцарения с Христом в вечней жизни. Радуйся, вельми любимый отец и благодатный учитель миряном. Радуйся, преподобномучениче Макарие, Переяславский чудотворче.

Кондак 10

Спасти хотя вся дарованная тебе чада о Христе, имеяше бо о них усердное помышление, яко добрый пастырь Христов, егда мрак предреченных зол уже огусте над землею и град нача ожидать нашествия нещадных агарян, повелел еси всей братии и послушающим тебе миряном уготовати аки бы к судному дню души своя пощением и причащением Святых и Животворящих Тайн. Все же, сподобльшеся святаго Причастия, воспеша Богу: Аллилуиа.

Икос 10

Стена еси и прибежище всем к твоему заступленню прибегающим был еси: егда

агаряне приближахуся ко граду, обитель прият многих мирян, бежавших страха ради в твой покров; егда же приступиша ко обители агаряне и сокрушиша врата, узреша тя пред враты стояща и имуща крест в руке, другой же на персех, и абие пояша тя, вопрошая злата. Ты же рекл еси: злато мое на Небеси. Изведоша тя из обители, всяко бияше, поношаху; такожде начаша сокрушати железом голени твоя и все тело терзати. Мнозии вернии зряще вся сия, вопияху издалеча: Отец наш! Отец наш! Агаряне слышавше сия, из уст же твоих токмо молитву о имени Иисусове, отсекоша главу твою; паки же, постыждени, потщашася отъити. Вернии же благоговейно взяша нощию честное тело твое и принесоша во храм обители. Мы же, величая страдания твоя, взываем со умилением: Радуйся, воине Христов, вооружен Крестом на враги видимыя и невидимыя. Радуйся, мысленно с молитвою сораспныйся Христу, Его же Крест крепко держасте руке твои. Радуйся, страсотерпче, притупивый молитвою и Крестом жало мучений. Радуйся, страдавый и предавый Господеви дух твой во гласе любви к тебе верных. Радуйся, приятый

Господом, яко всеплодие жертвенное и непорочное. Радуйся, посрамивый мучителей злобу и ухищрения диавольская низложивый. Радуйся, усекновенный на земли, но возглавленный на Небеси. Радуйся, земли изгнанниче, пришедый на Небеса во своя си. Радуйся, преподобномучениче Макарие, Переяславский чудотворче.

Кондак 11

Пение похвальное приносим тебе, пречудне: Господь бо светлейше прослави тя в житии твоём, во блаженной кончине и абие по кончине: еще не погребенну бывшу телу твоему честному, агаряне возвратишася во обитель, но храм обретше заключен, и в нем мнозех верных, обложиша его дровом окрест и сожгоша; последи же оставшиися во граде и весех Православнии пришедше искаху в пепле своя ближняя, но вся телеса быша зело пожжена, точию твое честное тело, отче преблаженне, обретесе неврежденно огнем, аки живое, без отсеченныя главы, но со крестом в руке, с другим же на персех и во власянице. И ту священныя останки твоя

вернии погребоша на месте жертвенника, воспевше Богу: Аллилуиа.

Икос 11

Светило благосветлое еси, отче Макарие, сияющее в Церкви Христовей, в велицем сонме свидетелей веры, яко един от них. Егда во обновленном по десятих летех храме обители обретеса священный гроб твой, и в нем нетленные святыя мощи твоя, абие начата к сим стекатися мнози, чтуще, покланяющиеся и молящиеся о помощи; такожде и по пренесении святых мощей во град Переяслав, благоговейно чтущим их с верою и усердно молящимся, ты подавши от Господа скорую и чудесную помощь, исцеляя расслабленные, бесныя, болящия трясывицею, падучею, водною болезнью, и прочими тяжкыи недуги, врачуя многи душевныя и телесныя болезни. Сего ради мы, благодаряще, взываем: Радуйся, прореченный именем твоим, воистинну блажен и преблажен, яко зриши на Небеси лицом к лицу Бога Всеблаженнаго. Радуйся, яко зрящи Господа, услаждаешися радостями, яже на сердце человеку не взыдоша. Радуйся, друже Христов, вшедый в Чертог Жениха Христа во одежде

добродетелей светлых, кровию твоею преукрашенный. Радуйся, мучениче святой, предстояй Господу в сонме мучеников, кровьми Церковь Христову украсивших. Радуйся, сретенный на Небеси ликом Ангелов, срадующихся тебе. Радуйся, исповедниче веры, завещаый нам отчий завет твой николиже отпадати от веры. Радуйся, неусыпающий молитвенниче, благоуветливый заступниче и скорый помощниче в напастех и немощех наших. Радуйся, непреходящая славо и похвало отечествия нашего. Радуйся, преподобномучениче Макарие, Переяславский чудотворче.

Кондак 12

Благодать преизбыточествующую дарова тебе Господь, во еже просвещати и путеводити нас грешных и смиренных ко спасению, помогати нам в бедах и немощех наших, сего ради и мы пламенно молимся тебе: помогай нам, милосердный отче, соблюсти вседушно заповеди Христовы, якоже ты делал еси, и крепко хранити завет твой стояти в Православии, якоже и ты непоколебимо стоял еси, да в радости вопием спасающему нас Богу: Аллилуиа.

Икос 12

Поюще прославленнаго тобою и дивно прославляющего святых Своих Господа, поминаем во исповедании сердечнем вся милости и щедроты Его, яже подана быша и подаются нам тобою молитвами твоими за нас. Твое святое житие, блаженная кончина и прославление от Господа суть знамения и явления Духа Святаго, сущаго в Церкви Христовей: свята сия и воистинну Духом Божиим живет, аще раждает и возвращает таковых славных и великих подвижников веры, яко ты еси, отче преблаженне: се велия милость Божия нам грешным и недостойным, и мы благоговейно и радостно зовем тебе велиим гласом: Радуйся, яко подвигом добрым подвизался еси, течение скончав, веру соблюл еси, сего ради восприял еси венец правды от Господа. Радуйся, неусыпный страже Дома Божия, хранивый его от вхождения лжи и хищений. Радуйся, страдальче за веру Православную, доблестно рекший врагам ея: вы остависте свет и возлюбите тьму, мы же стоим во своей вере, дондеже мир стояти будет. Радуйся, победною почестью одеян, светильник вселенная и незаходимое светило Церкви Православная. Радуйся,

доброзрачное света Евангельского
лучезарное сияние. Радуйся, яко пред
святыми мощами твоими неоскудно
возносится во славу Господа благоуханный
фимиам молитв и излиятий сердца
человеческаго. Радуйся, Небесный
покровителю храма нашего, освященнаго во
имя твое, преподобне. Радуйся, яко
предстоиши Престолу Пресвятыя Троицы и
тепле о нас ходатайствуеши. Радуйся,
преподобномучениче Макарие,
Переяславский чудотворче.

Кондак 13

О, святыи преподобномучениче Макарие,
приими ныне наше моление сие малое, в
похвалу тебе возносимое, и благоприятными
молитвами твоими умоли Господа нашего
Иисуса Христа, по велицей Его милости
избавити всех нас вечныя муки и сподобити
Царствия Небеснаго, да вси радостно
вопием Богу: Аллилуиа, Аллилуиа, Аллилуиа.

(Этот кондак читается трижды, затем икос
1 и кондак 1)

Молитва

О, всехвальный, преблаженный,
многострадальный, преизящный,

